

## **К ОПУБЛИКОВАНИЮ**

### **КОМИ РЕСПУБЛИКАЛӨН**

### **ОЛАНПАС**

#### **Айму дорйигөн пöгибнитöмаяслысь паметьсö нэммöдан юкöнын Коми Республика мутасын торья йитöдьяс ладмöдöм йылысь**

Примитöма Коми Республикаса

Каналан Сöветөн

2022 вося рака тöлысь 24 лунö

#### **1 статья. Тайö Оланпасөн инöд боксянь ладмöдантор**

Тайö Оланпасыс ладмöдö торья йитöдьяс, кутшöмьяс артмöны Коми Республика мутасын Айму дорйигөн пöгибнитöмаяслысь паметьсö нэммöдан юкöнын удж збыльмöдöмкöд йитöдын.

#### **2 статья. Тайö Оланпасын вöдитчан кыввежöртасьяс да терминьяс**

Тайö Оланпасын вöдитчан кыввежöртасьясөн да терминьясөн вöдитчöны «Айму дорйигөн пöгибнитöмаяслысь паметьсö нэммöдöм йылысь» Россия Федерацияса Оланпасөн урчитöм вежöртасьясын.

#### **3 статья. Айму дорйигөн пöгибнитöмаяслысь паметьсö нэммöдан юкöнын Коми Республикаса Каналан Сöветлөн уджмогьяс**

Айму дорйигөн пöгибнитöмаяслысь паметьсö нэммöдан юкöнын Коми Республикаса Каналан Сöветлөн уджмогьяс лыдö пырöны:

1) Айму дорйигөн пöгибнитöмаяслысь паметьсö нэммöдан юкöнын Коми Республикаса оланпасьяс примитöм;

2) Айму дорйигөн пöгибнитöмаяслысь паметьсö нэммöдан юкöнын Коми Республикаса оланпасьясö кутчысьöм да найöс олöмö пöртöм бöрся видзöдöм;

3) федеральной оланпасьясөн да Коми Республикаса оланпасьясөн урчитöм мукöд уджмог.

**4 статья. Айму дорйигөн пöгибнитöмаяслысь паметьсö  
нэммöдан юкöнын Коми Республикаса  
Веськöдлан котырлөн уджмогьяс**

Айму дорйигөн пöгибнитöмаяслысь паметьсö нэммöдан юкöнын Коми Республикаса Веськöдлан котырлөн уджмогьяс лыдö пырöны:

1) Коми Республикаса олöмö пöртысь власьт органьясöс индöм, кодьясöс уполномочитöма Айму дорйигөн пöгибнитöмаяслысь паметьсö нэммöдан юкöнын мероприятияяс збыльмöдöм вылö;

2) Коми Республика мутасын корсьысян уджьяс нуöдан да сийöс нуöдöм бöрся видзöдан пöрадок индöм сийö юкöнын, кутшöмöс абу ладмöдöма «Айму дорйигөн пöгибнитöмаяслысь паметьсö нэммöдöм йылысь» Россия Федерацияса Оланпасөн да федеральной канму власьт органьясөн примитан мукöд нормативной инöда актөн;

3) федеральной оланпастэчас да Коми Республикаса оланпастэчас серти мукöд уджмог.

**5 статья. Айму дорйигөн пöгибнитöмаяслысь  
паметьсö нэммöдан юкöнын мероприятияяс  
збыльмöдöм вылö уполномочитöм Коми Республикаса  
олöмö пöртысь власьт органьяслөн уджмогьяс**

Айму дорйигөн пöгибнитöмаяслысь паметьсö нэммöдан юкöнын мероприятияяс збыльмöдöм вылö уполномочитöм Коми Республикаса олöмö пöртысь власьт органьяслөн уджмогьяс лыдö пырöны:

1) Айму дорйигөн пöгибнитöмаяслысь гуавтöм шойяс, мый аддзöмаöсь Россия Федерация мутасын корсьыян уджъяс нуöдигөн, котыртöм да гуалöм Коми Республика мутасын меститчысь воинскöй часътъяслөн пырöдчöмөн;

2) Айму дорйигөн пöгибнитöмаяслысь шойяс выльысь гуалöмсö котыртöм да нуöдöм йылысь помшуöм примитöм;

3) Айму дорйигөн пöгибнитöмаяслысь аддзöм гуавтöм шойяссö гуалöм йылысь помшуöм, найöс вуджöдöм да сы бöрын гуалöм йылысь помшуöм примитöм, Айму дорйигөн пöгибнитöмаяслысь гуавтöм шойяссö кö аддзисны му участокъяс (му участокъяслөн юкөн) вылысь, кутшöмъясöс инöд серти кутысьясөн лоöны граждана да (либö) юридическöй кывкутысьяс;

4) тöдтöм воиньяслысь гуяс вуджöдöм йылысь помшуöм, сы лыдын став случай дырйи, тöдтöм воиньяслысь гуяссö кö аддзисны гражданалөн да (либö) юридическöй кывкутысьяслөн му участокъяс (му участокъяслөн юкөн) вылысь, тöдтöм воиньяслысь гуяс найöс аддзан местаын видзöм йылысь помшуöм примитöм сэк, кор найöс аддзöма му участокъяс (му участокъяслөн юкөн) вылысь, кутшöмъяс оз лоны гражданалөн да (либö) юридическöй кывкутысьяслөн;

5) Айму дорйигөн пöгибнитöмаяслысь шойяс гуысь лэптан мероприятияс нуöдöмсö могмöдöм;

6) Айму дорйигөн пöгибнитöмаяслысь шойяс гуалöм (выльысь гуалöм) серти став колана мероприятие нуöдöмсö могмöдöм;

7) федеральнöй канму власьт органьяскöд, меставывса асвеськöдлан органьяскöд, öтйöза-канму öтувьяскöд, öтйöза öтувьяскöд, кутшöмъясöс уполномочитöма корсьыян уджъяс нуöдöм вылö, Айму дорйигөн пöгибнитöмаяслысь паметьсö нэммöдан юалöмъяс серти öтув уджалöм;

8) Айму дорйигөн пöгибнитöмаяслысь нима списокъяс лöсьöдöм, кодъяслысь шойяссö гуалöма Коми Республика мутасын меститчысь воинскöй гуясын;

9) федеральной оланпастэчас да Коми Республикаса оланпастэчас серти мукöд уджмог.

**6 статья. Тайö Оланпас збыльмöдöмкöд йитчöм рöскод  
сьöмөн могмöдöм**

Тайö Оланпас збыльмöдöмкöд йитчöм рöскодсö сьöмөн могмöдöны лöсялана финансöвöй во да планöвöй кадколаст вылö Коми Республикаса республиканскöй сьöмкуд сьöм тшöт весьтö.

**7 статья. Бöртас**

Тайö Оланпасыс вынсялö сйöс официальнöя йöзöдöм бöрын дас лун кольöм мысти.

Коми Республикаса Вескöдлан котырлы примитны нормативнöй инöда актяс, кутшöмьяс могмöдöны тайö Оланпас збыльмöдöмсö.

Коми Республикаса Юралысь

В.В. Уйба

Сыктывкар

2022 вося рака тöлысь 31 лун

17-РЗ №